

Lolorjak an Aoleb Armij Maron Ebök Injuran in Taktō ilo Oregon



Jiljino bōjjāān in armij ro ilo Oregon ejellok aer injuran in taktō

Tarrin jiljino bōjjāān in armij ilo Oregon ejellok aer injuran in taktō. Jen jiljino bōjjāān in, eloñ ro uwaan Oregon Health Plan (OHP) im rar luuji injuran in taktō ko aer kin an kar wōr oktak ilo aer maron tōbrak an jidik ien, einwōt lablok jāān in kolla ko aer ilo juon allon. Ilo ien an armij luuji injuran ko aer–jekdon iomwin ien ko rekadu–rejab maron taktō im rejab maron kebaak taktō ro aer, melelein rejab bōke jibañ in kejbarok eo rej aikuj. Rumij in emaron kōmman an armij lablok aer nañinmij, aikuj *lablok* jibañ in taktō, innem lablok wonnen.

Iomwin kōmelim eo ekāāl, Oregon ej bebe in kōmman bwe en bidodolok an armij ro remaron tōbrak ebök injuran ibben OHP, im bidodolok an ro uwaan OHP wōnmaanlok wōt kin injuran ko aer.

Ejellok injuran kin nomba ko

Eloñ armij ro ejellok aer injuran ilo Oregon remaron tōbrak ñan injuran in taktō eo an Medicaid ak Marketplace.



Tarrin 60% in ajiri ro ejellok aer injuran in taktō ilo Oregon remaron tōbrak ñan OHP.



Tarrin 25% in rūtto ro ejellok aer injuran in taktō ilo Oregon remaron tōbrak ñan OHP.




Tarrin 50% in armij ro ejellok aer injuran ilo Oregon remaron ebök jibañ kin wonnen injuran in taktō ilo Jikin Wia Injuran in Taktō eo an Oregon.



Elab jen 30% in armij ro ejellok aer injuran emōj aer luuji OHP, im melele ko jen Waanjoñok eo kin Injuran in Taktō ilo Oregon ej kwalok ke eloñ armij rein rej maron wōt tōbrak ñan OHP.

Jukjukinbed ko armij ro rejab mouj kilier im jukjukinbed ko an Bwij emaron bar ruo alen lablok an ejellok aer injuran.



Laajrakin madmōd ko remaron kōmman ñan kōlablok armij ilo Oregon wōr aer injuran

Ijin lal ej jilu wāween kōmadmōd ko Oregon Health Authority ej bebe ñan kajitōk kōmelim jen ibben kien eo an federal bwe en lelok:

- 1. Woñmaanlok an deloñ etan ajiri ilo OHP jen ien aer lotak mae ien kemem eo aer bwe en jiljino aer yiō.** Melelein mennin ej ajiri ro renaj maron kejarok injuran eo aer mae ien eo enaj jiljino aer yiō im remaron loe wōt ejjā taktō ro ñan iomwin ien aitōklok, im ej jemlok ilo an emmonlok ejmour ko aer. Ñan jinen im jemen im rikejarok ro an ajiri ro ilo OHP, melelein mennin ej enaj diklok pepa in madmōd, im diklok inebata kin elañe juon oktak jidik ilo kolla enaj kōmman bwe juon ajiri en luuji an maron taktō.
- 2. Woñmaanlok ilo ruo yiō ñan an deloñ ettaer ilo OHP ñan ro jilino aer yiō im rūttolok, jekdoñ ñe enaj wōr oktak ilo kolla ko aer.** Eloñ armij ro rej luuji injuran in taktō ko aer ibben OHP rejab maron tōbrak iomwin ien kadu innem rej bar kobalok ibben OHP. Oktak in ilo aer “deloñ im diwōj” jen ibben OHP ej kakkure jemlokin ejmour ko aer *im* lablok wonnen kōmadmōd ko ñan armij ro rej kolla eowoj. Ilo aer lelok bwe en woñmaanlok an deloñ ettaer ilo ruo yiō ilo aer jab aikuj madmōd pepa ilo ien an oktak kolla, enaj emmonlok ejmour ko an armij.
- 3. Juon wāween eo emokaj im bidodo ñan kadeloñ āt ilo OHP ñan armij ro remaron kateruru ñan jibañ ko an Supplemental Nutrition Assistance Program (burokraam in jibañ kin ōn in mōñā eo elablok, SNAP).** Eloñ armij ro remaron tōbrak ñan SNAP rej bar maron tōbrak ñan injuran in taktō eo an OHP. Ekkar ñan etale eo an 2021 kin ro rej uwaan SNAP, 17% in rūtto im 6% in ajiri ro rej ebōk SNAP rar maron tōbrak ñan, bōtab rejab ebōk injuran in taktō eo an OHP. Oregon ekōnaan bwe armij rein ren jelā ke remaron bar ebōk jibañ in taktō eo ejellok wonnen im jibañ kadeloñ ettaer ilo jibañ eo.

Melele eo an mennin ñan ro uwaan OHP

Ñan armij ro remaron tōbrak im ejab deloñ ettaer ilo OHP: Ilo kōmelim eo ekāāl, enaj bidodo lok ñan an armij ro remaron tōbrak kadeloñ ettaer ilo OHP. Oregon enaj lelok melele ko relablok ilo kajin ko roktak, ibben ro mōttaer rej lōke im doulul ko rej bed ilo jukjukinbed. Melelein mennin ej armij ro remaron tōbrak renaj kenono ibben juon eo rej lōke, ilo kajin eo rekōnaan. Ilo ien an armij in Oregon kadloñ ettaer ñan jibañ ko jet (einwōt jibañ in mōñā), renaj bar bōk melele kin aer kadeloñ ettaer ilo OHP.

Ñan ro uwaan OHP: Ro uwaan OHP enaj wōr aer injuran iomwin ien aitōklok. Ilo ien in, ro uwaan doulul eo rej aikuj bar kadeloñ ettaer aoleb yiō, im renaj luuji injuran eo aer elañe ewōr oktak ilo aer maron tōbrak (einwōt juon oktak ilo kolla). Iomwin kōmelim eo ekāāl, ro uwaan doulul eo ejab aikuj ikūt aer bar kadeloñ ettaer, im oktak ko ilo aer maron tōbrak iomwin jidik ien ebañ kōmman aer bed ilo OHP.

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōñaan. Kebaak Burokraam in Kebaak Kumi ko Rej Jerbal Ibben Doon ilo Jukjukinbed ilo community.outreach@dhsoha.state.or.us ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.